

N gra de cuer a duc!

L 7. Di dla Ciantia Ladina ie garatà: trüep ciantarins, truepa jënt, n tēp de marueia. N possa di n bel di de cultura, n bel di per la Ladinia.

I Cores dl raion ladin y l Istitut Ladin Micurà de Rù ulëssa rengraziä i cores cun si ciantarins y ciantarines che ie unic adalersch te Sëlva dala valedes ladines y dal Friul, y a pità n bel cunzert, sibe

sun plaza ja Nives che sot ala tenda pra Chemun.

N gra ti va nce ala Mujiga de Sëlva y ala grupes dla trohtes de Sëlva y San Martin de Tor che à judà pea pra la defileda.

Ne ulon nce nia desmìncë i Ciambonfs, zēna chēi che la truepa jënt ruveda adalersch se ēssa durà fam y sēit.

Legrēza à fat che l ie unì ciantà

na desēina de cianties ladines nueves, scrites aposta per chēsta ucajian, che unirà nce publichedes proscimamēter. Iaronne Chizzali, Tone Gasser, Franz Comploi, Sn. Iaco Ploner, Elisabeth Schuen, Lois Ellecosta, Elisabeth Demetz, Raimond Irsara, Stefan Demetz, Sebald Goller y Marika Demetz se à fat, cun chēsc lēur fat debant, n gran merit per purtē inant l ciantē

per ladin.

Ulon ti senti gra nce ai Destudafuech y ai Polizaies de Sëlva, ala RAI Ladina, ala Usc di Ladins, a Radio Gherdēina, ala Dolomiten y al Alto Adige che à retlamisà y scrit dl Di. Duta la manifestazion ne fossa nce nia unida a se l dé sce la Provincia de Bulsan y la Region Trentin-Südtirol, l Chemun de Sëlva y i autri Chemuns de Gherdēina y

Badia, l „Verband der Chöre Südtirols“, la Banca Populera de Gherdēina y l'Assoziazion Turistica ne ēssa nia susteni finanziaimēter la scumenciadiva. De gra de cuer!

*Martin Conrater, presìdēt di Cores dl Raion ladin
Leander Moroder, diretēur dl Istitut Ladin Micurà de Rù*

Di dla Ciantia Ladina

N dumēnia ai 19 de setēmbēr te Sëlva se à i ladins dla Dolomites y da oradecà abinà duc deberieda a ciantē per ladin. L program ie stat drēt rich, cun 15 cores che se à prejentà cun de bela cianties



L Cor di joegn de Fascia.

Mujiga - La Ladinia deberieda cun l Istitut Ladin Micurà de Rù y la Lia di Cores de Südtirol à purtā inant la bela tradizion dl Di dla Ciantia Ladina. Chēla de chēst ann fova bele la 7. edizion - l'ultima fova stata tl 2005 - y l ie inò stat na bela festa per duta la ciantarines y i ciantarins y per duc chēi che ie unic a scutē su.

Danmesdi iel stat la bela Santa Mēssa lieta da Sn. Pluan Pire Clara y cianteda da n valgun cores sun Plaza de Chemun de Sëlva. Do marēnda à i cores ciantà ora per l luech. Na fortuna iel danz stat cun l tēp, l di dant mo condles de ega che univa ju dal ciel, l di do, la dumēnia pona n beliscimo surēdl,

y nscila ie la festa garateda a puntin.

Da mesa la trēi iel pona stat la defileda dala Cēsa de Cultura nchin sun Plaza de Chemun cun duc i cores nviei y la persunaliteies, la Mujiga de Sëlva, la Lia dal Guant dala gherdēina Sëlva y la Uniun Guant da Zacan da San Martin de Tor.

Sun palch àl pona ciantà do y do duc i cores, per finē via duc deberieda cun l Inn ladin ciantà da duc i cores deberieda, cumpaniei dala Mujiga de Sëlva.

I Cores che à ciantà n ucajian dl Di dla Ciantia Ladina ie stai chisc: Cor di joegn de Fascia, Coràl Feminine „Notis tal Timp“ (Friul), Coro Fodom, Cor de dljia da La



L Coràl Feminine „Notis tal Timp“ (Friul).

Val, Cor dl' Èiles „Exultate“ de Sëlva, Cor de dljia da San Martin, Grupa de mujiga Hosianna de Sëlva, Cor Sasslong de S. Cristina, Ciantarins da Calfosch, Coro delle Voci Bianche di Moena, Cor di ēi „Raetia“ de Urtijēi, Cor de dljia da Lungiarū, Cor „Col da Vedla“ da Rina, Cor de Sëlva. Dlongia l aspet de mujiga ie chēl de cumenanza sambēn dla medema mpurtanza. Se ancuntē duc deberieda, fé festa deberieda, fé mujiga deberieda, y nce stē n cumpania te mpue' de aurela curta possa mé ti fé bon, ai ladins, a si cultura y a si cumenanza. Bel iel stat, y ala proscima!



David Lardschneider

L Cor dl' Èiles „Exultate“ de Sëlva.



L Coro Fodom.



L Cor de dljia da La Val.